

廣陵醫籍叢刊



痢疾目錄

內經錦囊痢疾原論

自論痢症由

痢疾論治

痢症論脈

治痢各方

和瘡清痢飲

暢肝清痢湯

解暑清痢飲

清金止痢湯

固陰清痢煎

附論

救痢悞治壞症方

奪命救痢飲

治痢救陰煎

濟陰回春飲

溫脾清痢飲

溫腎止痢煎

清胃除痢湯

救陰清痢飲

補氣清痢湯



南京中醫藥大學圖書館版權所有

補陰清痢飲

祛痢飲

清痢飲

除濕清痢飲

養陰化濕除痢湯

陳遠公治痢引胃湯

又靖亂湯

又治痢啓關散

又止脫救痢湯

溫中救痢飲

新附

清中救痢飲

六味地黃湯

附丸

補血保胎清痢湯

治孕婦之痢

孕婦痢後調理方

產後補血化痢湯

養陰培元煎

產後痢愈調理方

小兒痘疹後痢疾論

附方

補脾清痢飲

養陰解毒清痢湯

調理健脾丸方



南京中醫藥大學圖書館版權所有

附久痢應驗單方

休息久痢不愈方

治久痢紅多方

治久痢白多方

治久痢紅白方

陳遠公治長年累月痢不愈方

又煎方

又治痢氣逆不舒下痢不止方

又消瘀神丹方

治久痢不止下如清涕如油內有紫黑血絲方

新方鐵甲散

又廣濟痢疾方

又烏金治痢丸方

痢後調理諸方

理陰益氣煎 治痢後氣血兩虛

調中益氣煎 治痢後氣虛怕冷

補脾和肝飲 治痢後肝燥脾虛作瀉

培土分消飲 治痢後脾虛頭面四肢虛腫腹脹

起脾湯 治痢後四肢痿無力

安神飲 治痢後陰虛不寐

慈航集 三元普濟方

古欽王於聖纂著

京都史蘭圃叅訂

內經錦囊痢疾原論

痢者古名滯下、內經謂之腸澼、潔古云壯盛之人無積、虛人則有之、可見積由虛召、皆因脾胃既虛、飲食不節、七情不適、腸胃怫鬱、氣血壅滯、釀成膿血而爲滯下也、然卒成有五、積漸有七、有因飲食不調、脾胃驟傷者、有因受暑濕而發者、有因風寒相感而發者、有因吐瀉失調而成者、有因誤食毒物冷物與驚恐相乘而得者、此爲乍成五症、其七症者、有因食積日

久而成者有因氣虛夾寒而成者有因脾氣久傷不能統血而下血者有因濕熱傷脾而成者有因陽氣下陷積成脾敗而成者有因膏粱燂炙太過燥熱蘊積者有因疫氣時行穢毒相感者凡傷氣則白傷血則赤氣血俱傷赤白并出黃是食傷綠是傷濕然總因濕熱寒暑積滯而成者其虛實各有不同以痢之數有八曰冷曰熱曰疳曰驚曰寒熱不調曰休息曰瀉痢曰蟲毒其冷痢色白熱痢色赤疳痢黃白下無時度驚痢色青冷熱不調之痢赤白之色相兼休息痢糞黑而如魚腸愈而復作瀉痢肚大停積而又下

飲食不爲肌膚、氣臭而大便閉塞、蟲毒痢下黑色、其治之法、必審挾寒挾熱、或虛或實、實熱者即可用實治、寒者當同虛論也。至如痢久發熱者、陰虛也、肝門痛甚者、濕熱流於下也、禁口痢者、因胃口熱甚、或疫氣穢毒積於臟腑、熱毒之上衝、則成禁口痢矣。治宜清心解毒、徹熱下行。如後重之症、由肺氣鬱於大腸、宜升提清氣、降其濁熱、血虛者補血、養陰皆兼潤下而痢自止。經云養血和血而痢自愈、調氣理氣後重自除。衰老幼弱、元氣虛者、必須如此治法。如強壯食積重而痢盛者、初痢之時、必須下之、不可遲也。過五

日之後、則脾胃漸虛、當用消導升提、行氣和血、病久
挾虛者、當滋補氣血、收澀固脫、後重者、仍宜下之、腹
痛者、宜和、身重者、除濕、脉弦者、兼散去風、膿血稠粘
者、以重劑竭之、驚澇爲痢者、宜溫之、在外者、散之、在
裏者、下之、在上未成積者、吐之、在下已成痢者、通之、
表熱者、內疏之、小便澀者、分利之、盛者和之、去者送
之、至者止之、此治痢之格言也、

痢疾論

於聖識著

夫痢無壞症、卽有壞症、必臟腑久已內傷、一病卽禁
口不食、痢如腐爛魚腸、屋漏、此不治之症也、如初病

久病能食者、再無一壞也、余常讀諸名人著述、議論精微、無處不到、其理無出其外矣、每閱治痢諸方、與論大相懸遠、有曰不可用苦寒、而方中又用黃連、黃柏、黃芩、有曰不可用辛熱、而方中偏用丁香、肉桂、巴豆、乾薑、附子等藥、且又註明此丸能治諸痢、卽此一言、未分虛實、直誤至今、近時醫家、書並未富、只知此方能治諸痢、不問寒熱、槩而用之、如寒痢服熱藥者、賴以見功、胃積痢熱者、服之卽成禁口、如用苦寒者、熱痢服之奏效、冷痢服之寒戰腹痛、手指青黑、及至無救、尙在不知、徒空發嘆、又有好善者、見此方能治

諸痢可以多合施送救人其中所誤者亦不少也如果立心行善何不遵運氣之方寒熱又無偏勝救人更多矣凡痢瘥二症初病皆屬陽明胃與大腸積滯濕熱外受寒暑而成痢瘥要明表裏虛實不可執一之見痢有初起惡寒發燒頗象瘥症而又腹痛下痢人見瘥痢并行皆稱重候不知內停積滯外感風寒半表半裏之症治宜兩解如專一治之則多纏綿夫痢腹必痛有寒痛火痛虛痛實痛之分其寒痛者唇白面青手足作冷痢下白色脾氣虛弱體氣不壯之人積滯腸胃虛中挾實此爲寒痢腹痛也其火痛者

面赤唇紅、手足熱、痢下紅色、體壯強盛之人、因食煎炒厚物、不禁生冷、停積腸胃、實火實熱、此火痛之痢也、紅白相間之痢、腹痛者、因寒火之積相混、凝結於腸胃而成、此痢有虛有實、宜斟酌調治、其虛痛者、氣弱怕冷、痢時手按腹則快、無論紅白色、宜補血調氣、其實痛者、內如刀刮、手按之亦痛、後重下墜、小便短赤、肛門腫熱、下痢赤而稠粘、此爲實痛、宜當歸承氣湯加廣木香下之、卽鬆、如紅多加酒炒川連更妙、而痢有腹不痛者、此非痢也、由肝木之尅脾土也、脾虛受肝之制、此爲濕痢、不可作痢治、宜和肝理脾、分利

小便氣虛體弱者補氣溫中、體有熱者清中調氣、年
高衰老之人脾腎皆虛之體、如下痢腹不痛者必須
溫補真陽、急固滑脫、不可執定痢無止法、大小緩急
移步換行、全在見機也、

痢疾論脉

於聖著

黃帝問岐伯曰腸澼

即痢也

便血何如、岐伯曰身熱者

死、身涼者生、又曰下白沫者何如、岐伯曰脉沉則生、

脉浮者死、又曰下膿血者何如、

即紅白痢

岐伯曰脉懸絕

者死、

懸絕脉空也

脉滑大者生、又曰腸澼之屬身不熱、脉

不懸絕者何如、岐伯曰滑大者生、懸澼者死、此言臟

期之生死、又痢有不治之症九條、一脈洪大、不食者
不治、二飲食並藥、不過隔者、不治、三肛門如竹筒者
不治、四痢如魚腸、屋漏、不食者、不治、五食物完穀、不
化者、不治、六氣虛下陷、不固者、不治、七面目俱赤、直
視、不食者、不治、八脈散亂、無神、不食者、不治、九呃逆
不食者、不治、以上不治之症、本原內傷者、不過二三
誤者、八九、如陰虛下痢、當養血清之、脾虛氣弱之痢、
當理脾調氣清之、則無錯治、今人治痢、不審虛實、槩
以蒼朮爲治痢之要藥、專認痢皆濕、不知陰虛痢熱
一燥而陰更傷、痢毒之熱盡畜於胃、禁口由此治成

矣再見痢之不止盡用收澁不思痢無止法愈澁愈痢之故痢者不利也通因通用也通因通用要變通也如人實症實用當歸大承氣通之如人虛症實先固其本爲主再加入通痢之藥則無變動之虞凡痢全在入首初治不錯再無壞症所有不治者皆初入首之誤也余三十餘年治痢從無一損今將應驗各方分寒熱虛實對症施治不致有誤方錄於左明者審察之可也